

Broj: 03-04-307/2021  
Sarajevo, 17.03.2021.godine

**PARLAMENT FEDERACIJE BOSNE I HERCEGOVINE**

**Dom naroda**  
gosp. Jasmin Duvnjak, delegat  
gosp. Izmir Hadžavić, sekretar

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 18-03-2021			
Org. jed.	Broj	Priloga	Vrijednost
05/2	- 02 -	77	/21

Predmet: Odgovor na delegatsku inicijativu

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10 i 39/20), a u vezi sa članom 104. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03, 21/09 i 24/20), u prilogu Vam dostavljam akt Federalnog ministarstva finansija, broj: 05-02-5-1854/21 od 15.03.2021. godine koji sadrži odgovor na delegatsku inicijativu, koju je podnio delegat Jasmin Duvnjak.


S poštovanjem,

  
**SEKRETAR VLADE**  
mr. sc. **Edita Kalajdžić**

Prilog: kao u tekstu

Broj: 05-02-5-1854/21  
Sarajevo, 15.03.2021.godine

VLADA FEDERACIJE BIH  
N/p Sekretara Vlade Federacije BiH



**PREDMET:** Odgovor na delegatsku inicijativu, dostavlja se

**Veza:** Vaš akt broj: 03-04-307/2021 od 02.03.2021.godine i akt sekretara Doma naroda Parlamenta Federacije BiH, broj: 05/2-02-77/21 od 23.02.2021.godine

Poštovani,

Vašim aktom, pod brojem i datumom veze, dostavljena je delegatska inicijativa koju je uvaženi delegat Jasmin Duvnjak podnio na 9. sjednici Doma naroda Parlamenta Federacije BiH, održanoj 18.02.2021.godine, na koju u skladu sa članom 75. Poslovnika o radu Vlade Federacije – Prečišćeni tekst („Službene novine Federacije BiH”, br. 6/10, 37/10 i 62/10), dajemo slijedeći:

### ODGOVOR

Uvaženi delegat je podnio inicijativu kojom se od Vlade Federacije BiH očekuje da u nekom roku od šest mjeseci uputi prema Parlamentu Federacije BiH prijedlog nacrtu novog Zakona o pripadnosti javnih prihoda u Federaciji BiH ili izmjene i dopune postojećeg Zakona o pripadnosti javnih prihoda u Federaciji BiH, zavisno šta će se i u kojem obimu Vlada FBiH opredjeliti, sa rješenjima koja će biti održiva, socijalno pravednija, koja će isključiti diskriminacije i koja će biti funkcionalna i omogućiti ravnomjerni razvoj svih dijelova FBiH.

Kao što je i navedeno u obrazloženju predmetne inicijative, uvaženi delegat je ranije podnio inicijativu za izradu novog pravednijeg Zakona o pripadnosti javnih prihoda u Federaciji BiH tako da se traže nova rješenja, na koju je ispred Federalnog ministarstva finansija upućen pravovremen i transparentan odgovor u skladu sa raspoloživim informacijama u datom trenutku, posebno imajući u vidu kompleksnost materije koju uređuje Zakon o pripadnosti javnih prihoda u Federaciji BiH, kao i značaj i uticaj primjene ovog Zakona na sve korisnike javnih prihoda u Federaciji BiH.

S toga, sukladno trenutnom stanju uslijed uticaja pandemije Covid-19 u svijetu time i Federaciji BiH, gdje je obavljenje poslova i zadataka relativno odloženo i usporeno, planirana dinamika aktivnosti na realizaciji izrade i predlaganja novog Zakona o pripadnosti javnih prihoda u Federaciji BiH, utvrđena programom rada Federalnog ministarstva finansija i Vlade Federacije BiH, kao i strateškim

dokumentima Vlade Federacije BiH, prolongirana je u proteklom periodu, gdje su umanjeni ljudski i operativni resursi, kako u Federaciji tako i ostalim nivoima vlasti, usmjereni na aktivnosti ublažavanja negativnih ekonomskih posljedica na privredne subjekte i druge aktere, kao i trenutne potrebe shodno situaciji.

Međutim, u skladu sa programom rada Vlade Federacije BiH za trogodišnji period, kao i Strategijom reforme upravljanja javnim finansijama za period 2021-2025. godina, planirana je izrada analiza koje trebaju služiti za izradu novog Zakona o pripadnosti javnih prihoda u Federaciji BiH, kao i izrada samog teksta novog Zakona.

Naime, u Nacrtu Strategije reforme upravljanja javnim finansijama za period 2021-2025. godina, planirana je Mjera: *Unaprijeđenje pravnog okvira javnih prihoda* kojom je utvrđena Aktivnost: *Unaprijeđenje sistema raspodjele prihoda u Federaciji BiH*, koja obuhvata izradu detaljnih analiza javnih prihoda, rashoda, duga i funkcionalnih ustavnih i zakonskih nadležnosti svih nivoa vlasti u FBiH, a koje će poslužiti kao smjernice za kreiranje modela horizontalne i vertikalne raspodjele javnih prihoda, koje bi se prema utvrđenoj dinamici u Strategiji trebale izvršiti do kraja tekuće godine i shodno istim u narednoj godini predložiti novi tekst Zakona o pripadnosti javnih prihoda u Federaciji BiH i uputiti u parlamentarnu proceduru, gdje na predložene aktivnosti i dinamiku realizacije nije bilo komentara od nadležnih kantonalnih organa, dok su komentari Saveza općina i gradova u Federaciji BiH u zajedničkim konsultacijama uobzireni.

U skladu sa svim navedenim, a shodno kompleksnosti materije, te vertikalne i horizontalne raspodjele, obzirom na period aktivnosti i zadataka koje prethode izradi novog Zakona o pripadnosti javnih prihoda u Federaciji BiH u navedenom periodu sve zainteresovane strane i svi korisnici javnih prihoda u Federaciji BiH uzet će aktivno učešće sa konkretnim prijedlozima za raspodjelu javnih prihoda koje će biti prijedlog razmatranja i analiza za izradu novog Zakona o pripadnosti javnih prihoda u Federaciji BiH sukladno ustavnim nadležnostima.

S poštovanjem,

